



Broj: 05-50-1-1218/14
Sarajevo, 8.7.2014. godine

BOSNA I HERCEGOVINA
PARLAMENTARNA SKUPŠTINA BOŠNE I HERCEGOVINE
BARAJEVO

19.07.2014

PRIMLJENO:		19.07.2014	
Organizaciona jedinica	Klasifikaciona oznaka	Redni broj	Broj uloga
01-50-1-1565/14			

PARLAMENTARNA SKUPŠTINA BiH

- *Zastupnički dom* -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 104. sjednici održanoj 8.7.2014. godine, utvrdilo je Odgovor na zastupnička pitanja koja je postavila Nermina Zaimović Uzunović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,





**BOSNA I HERCEGOVINA
VIJEĆE MINISTARA**

Broj: 05-07-1-1218/14
Sarajevo, 8.7.2014. godine

Gospođa Nermina Zaimović-Uzunović, poslanik Predstavničkog doma Parlamentarne skupštine Bosne i Hercegovine, na 65. sjednici Predstavničkog doma održanoj 15.4.2014. godine, uputila je sljedeće poslaničko pitanje:

- " 1. Tražim od Ministarstva civilnih poslova BiH da mi dostavi podatke o mogućnostima odnosno programima i koliko je studenata moglo da učestvuje u mobilnosti i razmjeni studenata po projektima u kojima BiH učestvuje?
2. Koliko je do sada studenata javnih, a koliko privatnih visokoškolskih ustanova, učestvovalo u programima mobilnosti i razmjene studenata sa drugim zemljama? "

Na postavljena pitanja, Vijeće ministara Bosne i Hercegovine je na ~~65.~~ sjednici održanoj 8.7.2014. godine, utvrdilo sljedeći

O D G O V O R

Prema Članu 15. Zakona o ministarstvima i drugim organima uprave Bosne i Hercegovine, Ministarstvo civilnih poslova u oblasti obrazovanja nadležno je za utvrđivanje osnovnih principa koordinacije aktivnosti, usklajivanje planova entitetskih tijela vlasti i definisanje strategije na međunarodnom planu. U skladu sa ustavnim uređenjem Bosne i Hercegovine, obrazovanje je regulisano na nivou entiteta Republike Srpske, kantona u Federaciji Bosne i Hercegovine i Brčko distrikta Bosne i Hercegovine.

Na nivou Bosne i Hercegovine 2007. godine usvojen je Okvirni zakon o visokom obrazovanju u Bosni i Hercegovini ("Službene novine BiH", br. 59/07 i br. 59/09). Zakonom se, između ostalog, utvrđuje: Organizacija visokog obrazovanja u Bosni i Hercegovini, odgovornost nadležnih vlasti u ovoj oblasti, utvrđuju tijela za provođenje zakona i međunarodnih obaveza Bosne i Hercegovine, te način osiguranja kvaliteta u oblasti visokog obrazovanja (član 1. Okvirnog zakona).

Između ostalog, članom 42. navedenog Zakona definisane su i nadležnosti Ministarstva civilnih poslova, uključujući promociju mobilnosti studenata i osoba u oblasti visokog obrazovanja u Evropi i u svijetu.

Ministarstvo civilnih poslova je u januaru 2008. godine potpisalo *Sporazum o pristupanju Centralno-evropskom programu razmjene za univerzitetske studije – CEEPUS II*, te preuzeo implementaciju programskih aktivnosti.
Ministarstvo civilnih poslova je potpisnik i aktuelnog *CEEPUS III* sporazuma, potписанog 2010. godine.

U okviru CEEPUS programa, svaka od 16 zemalja članica, godišnje obezbjeđuje određeni broj mjesecnih stipendija (prema mogućnostima) za gostujuće studente i akademsko osoblje i taj broj se u projektu kreće između (minimalnih) 100 do 2000 mjesecnih stipendija na godišnjoj osnovi, po zemlji članici. Imajući u vidu navedeno, nije moguće reći koji broj stipendija se nudi samo bh studentima u okviru ovog Programa, odnosno broj stipendija nije ograničen.

U okviru ovog Programa, od početka njegove implementacije u akademskoj 2008/2009 godini i završno sa akademskom 2013/2014 godinom, u razmjeni je učestvovalo 356 bh državljana, od čega 287 studenata (javnih univerziteta) kojima su zemlje članice dodijelile ukupno 434 mjesecne stipendije.

Ministarstvo civilnih poslova je u 2013. godini potpisalo *Protokol o saradnji u oblasti obrazovanja između Vijeća ministara BiH i Vlade Republike Slovenije*, kojim se u akademskoj 2014/2015 godini, bh studentima nudi 18 stipendija za studijsko usavršavanje u Sloveniji.

Takođe, u 2013. godini, Ministarstvo civilnih poslova je sa Ministarstvom ljudskih resursa Mađarske, potpisalo *Sporazum o programu obrazovne i kulturne saradnje BiH i Mađarske za period 2014-2016* kojim se predviđa da Mađarska bh studentima obezbijedi 50 stipendija godišnje za studij u Mađarskoj.

Za akademsku 2014/2015 godini dostavljene su 3 aplikacije bh studenata, što je ujedno i ukupan broj podnešenih aplikacija, od kojih je jedna sa privatnog univerziteta.

Ministarstvo civilnih poslova potpisnik je velikog broja sporazuma i programa obrazovne, kulturne, naučne, omladinske i sportske saradnje sa drugim zemljama, i svi oni podrazumijevaju podršku mobilnosti studenata.

U cilju pružanja pomoći bh studentima da na jednom mjestu pronađu informacije o dostupnim stipendijama koje nude strane zemlje, Ministarstvo civilnih poslova je, u saradnji sa Ambasatom Češke Republike u Sarajevu, 2009. godine realizovalo projekat pokretanja web portala www.studirajvani.ba, koji se ažurira od strane Ministarstva.

Do 2013. godine, bh studenti su imali mogućnost učešća u EU programu saradnje i mobilnosti iz oblasti visokog obrazovanja *Erasmus Mundus*, kojim upravlja Evropska Komisija, a implementira ga Izvršna agencija za obrazovanje, audiovizuelnu djelatnost i kulturu (EACEA). Akcije iz programa Erasmus Mundus će od 2014. godine biti nastavljene u okviru Erasmus + programa.

Nacionalna Tempus kancelarija u BiH nam je dostavila informacije vezane za realizaciju mobilnosti u okviru Erasmus Mundusa-a do 2013. godine.

Tako je u okviru Akcije 1. (direktne aplikacije) realizovano 214 razmjena bh studenata, dok je u okviru Akcije 2. (unutar partnerstva visokoškolskih institucija) za period 2008-2013 u toku realizacija 294 potencijalne razmjene unutar 31 partnerstva u kojima učestvuju bh univerziteti (četiri javna univerziteta).

Napominjemo također da je Ministarstvo civilnih poslova BiH 13.05.2014. godine uputilo dopis svim nadležnim ministarstvima obrazovanja u BiH da u saradnji sa univerzitetima iz svoje nadležnosti dostave odgovore na postavljena pitanja. Rok za dostavljanje istih je bio 30.05.2014. godine, te kako nije pristigao niti jedan odgovor do naznačenog roka, upućena je urgencija aktom od 02.06.2014. godine.

Do danas smo primili ukupno pet odgovora i to: Ministarstva za obrazovanje, nauku i mlade Kantona Sarajevo, Ministarstva za obrazovanje nauku, kulturu i sport Zeničko - Dobojskog Kantona, kojim proslijeđuju odgovor Univerziteta u Zenici, odgovor Ministarstva prosvjete, znanosti, kulture i sporta Županije Hercegovačko-Neretvanske, odgovor Ministarstva obrazovanja, nauke, kulture i sporta Unsko-Sanskog Kantona, u kojem proslijeđuju odgovor Univerziteta u Bihaću i odgovor Odjela za obrazovanje Vlade Brčko Distrikta.

U svom odgovoru Ministarstvo za obrazovanje, nauku i mlade Kantona Sarajevo navode da ministarstvo provodi postupak na prikupljanju traženih informacija, koje će biti proslijeđene po okončanju postupka. (Napominjemo da naknadno nismo dobili obavještenje o okončanju postupka).

Odgovor Univerziteta u Zenici glasi:

„Studentima Univerziteta u Zenici otvorena je mogućnost za razmjenu kroz programe Erasmus, CEEPUS, Mevlana kao i na osnovu bilateralnih protokola koje je Univerzitet u Zenici potpisao sa univerzitetima iz Evrope i svijeta. Nažalost, odziv studenata u prethodnim godinama je bio veoma mali, te je kao i na drugim BiH univerzitetima većina mjesta omogućena za studente iz cijele BiHuglavnom ostala neiskorištena. Sve informacije o dostupnim programima mobilnosti za nastavno osoblje i studente se nalaze na web stranici univerziteta u Zenici (www.unze.ba) u rubrici Aktuelnosti i iste se u pravilu u roku od 24 h postavljaju na web od momenta prispjeća od nosioca programa (strana ambasada, strani univerziteti, neko od BH ministarstava idr.).

U akademskoj 2013/2014 četiri studenta Univerziteta u Zenica su učestvovala u Mevlana programu razmjene studenata i 5 predstavnika akademskog osoblja. Dvije studentice su boravile 1 semestar na Univerzitetu Ondokuz Mayis u Turskoj, 1 studentica je boravila 1 semestar na Trakya Univerzitetu, Turska i 1 studentica 2 semestra na Trakya Univerzitetu, Turska.

U akademskoj 2013/2014 jedan student EF UNZE boravi na Univerzitetu u Arhusu gdje radi svoj magistarski rad a kroz program Erasmus-Mundus.

Kroz programe saradnje sa njemačkom Vladinom agencijom DAAD u prosjeku se svake druge godine organizuju studijske posjete njemačkim univerzitetima i poslovnim sistemima i u ovakvim posjetama učestvuјe cca po 20 studenta sa UNZE. Posljednja posjeta je organizovana na kraju ljetnjeg semestra 2013. godine. Također, u program DAAD su u ponudi radi svoje doktorsko eksperimentalno istraživanje na Univerzitetu u Heidelbergu.

Jedan kandidat ZF UNZE svoje doktorsko istraživanje realizuje na Univerzitetu u Alicanteu u Španiji a troškove izrade i pohađanja istog pokriva iz tekućih projekata na kojima radi.

Kroz Tempus projekat iz oblasti obnovljenih izvora energije koji vodi Univerzitet Hohenheim iz Stutgarta ove 2014. godine pet studenata UNZE master i doktorskog studija će boraviti po mjesec dana na univerzitetima u Beču, Stutgartu, Bratislavi ili Sofiji.

U trenutno aktivnim Tempus projektima UNZE također postoje planirani boravci nastavnog osoblja i studenata na inostranim univerzitetima.

Tokom 2014. godine očekuje se nagovješteno otvaranje stipendija za studijske boravke i mobilnost studenata u Švedskoj a po programu koji će finanisirati Vlada Kraljevine Švedske“.

Na kraju ovog dopisa Univerziteta u Zenici, naglašeno je da budžetskim planiranjem rashoda Vlade i Skupštine ZDK Univerzitet u Zenici nema niti jednu KM za podršku mobilnosti studentima te se sve dosadašnje mobilnosti odvijaju na bazi samopregornog rada i napora nastavnika, saradnika i studenata UNZE.

Odgovor Ministarstva prosvjete, znanosti, kulture i sporta Županije Hercegovačko-Neretvanske glasi:

„..... Nakon prikupljenih podataka možemo Vas obavijestiti da je u programima mobilnosti studenata učestvovalo:

- Na Sveučilištu u Mostaru, prema raspoloživim podacima Ureda za međunarodnu suradnju, do sada je učestvovalo: 42 studenta preddiplomskog studija, 5 studenata diplomskog studija; 2 studenta doktorskih studija i 11 uposlenih osoba.
- Na Univerzitetu „Džemal Bijedić“ u Mostaru od ukupno 21 studenta koji su aplicirali, 19 aplikacija je prihvaćeno, dok je 6 studenata realizovalo stipendiju za mobilnost. Prema podacima Kancelarije za međunarodnu saradnju u periodu od 2008 do sada broj osoba koje su učestvovali u bilo kojoj vrsti mobilnosti je 875 od kojih je 560 studenata i 325 nastavnika.
- Nijedan student privatnih visokoškolskih ustanova nije učestvovao u programu mobilnosti i razmjene.“

Ministarstvo obrazovanja, nauke, kulture i sporta nas je obavijestilo o odgovoru Univerziteta u Bihaću koji glasi:

„1. Među trenutno aktivnim programima u kojima studenti Univerziteta u Bihaću imaju priliku učestvovati su Centralnoevropski program razmjene za sveučilišne studije (CEEPUS) pri kojem Univerzitet u Bihaću ostvaruje jednu aktivnu mrežu – Slavenska filologija i njeni kulturni konteksti, a čiju koordinaciju vrši Sveučilište u Grazu. Shodno Ugovoru o realizaciji sporazuma CEEPUS III u Bosni i Hercegovini, studenti imaju i pravo učešće u razmjeni kao tzv. „free movers“, odnosno razmjeni koja nije u svezi s mrežama sveučilišta i fakulteta. Program razmjene je i Mevlana Exchange Program koji ima za cilj razmjenu studenata i akademskog osoblja između obrazovnih institucija iz Republike Turske i drugih država. Razmjena studenata je moguća i putem Erasmus Mundus programa razmjene, kao i putem pojedinačnih projekata fakulteta.

2. U periodu 2012-2014. godine, s Tehničkog fakulteta Univerziteta u Bihaću učestvovala su ukupno 23 studenta u međunarodnom projektu Sprungbrett koji finansira fondacija Mercator Schweiz. Sukladno podacima organizacijskih jedinica koji financira fondacija Mercator Schweiz. Sukladno podacima organizacijskih jedinica i pridruženih članica Univerziteta u Bihaću, studenti do sada nisu učestvovali u akademskim razmjenama u organizaciji Univerziteta, no uočen je veći interes studenata za učešće u akademskoj razmjeni 2013-2014. godini“.

Odgovor Odjela za obrazovanje Vlade Brčko Distrikta BiH je da Odjel ne raspolaže traženim podacima.

Podsjećamo da, u skladu sa propisanom autonomijom univerziteta svaki univerzitet može sklapati bilateralne i multilateralne ugovore/sporazume, te da Ministarstvo civilnih poslova BiH ne raspolaže podacima o istim.

Također napominjemo da je Ministarstvo civilnih poslova BiH provelo neophodnu proceduru za potpisivanje Sporazuma između Evropske unije i Bosne i Hercegovine o učešću Bosne i Hercegovine u Erasmus + programu Unije za obrazovanje, mlade i sport.

Naime, nakon što su pribavljene saglasnosti svih nadležnih ministarstava obrazovanja u Bosni i Hercegovini, Ministarstvo civilnih poslova BiH je u januaru 2014. godine obavijestilo Evropsku komisiju da je Bosna i Hercegovina u mogućnosti pristupiti programu Erasmus+ u 2014. godini, u vidu djelimičnog učešća, pri čemu će sve aktivnosti voditi Izvršna agencija za obrazovanje, audiovizuelene djelatnosti i kulturu (EACEA) u Briselu. Na osnovu iskazanog interesa za učešće u Programu, Ministarstvo civilnih poslova BiH je pozvano da učestvuje u mrežama Evropske unije u oblasti obrazovanja, te su imenovane kontakt osobe za mreže Eurydice, Euroguidance, Europass i Evropski kvalifikacijski okvir (EQF).

Agencija za predškolsko, osnovno i srednje obrazovanje je, u skladu sa svojim mandatom, imenovala kontakt osobu –za platformu obrazovanje odraslih (European Agenda for Adult Learning -EPALE) i eTwinning internet platformu.

Ministarstvo civilnih poslova BiH u saradnji sa Direkcijom za evropske integracije i Delegacijom Evropske unije u Bosni i Hercegovini intenzivno radi na različitim zajedničkim projektima u cilju promocije programa i širenja svijesti o važnosti istih.

Napomena: Informacije koje su tražene u drugom pitanju, radi bolje preglednosti objedinjene su u odgovoru sa informacijama iz prvog pitanja i predstavljaju podatke kojima Ministarstvo civilnih poslova raspolaže.



Broj: 10-38-10423-1/14
Zenica, 04.06.2014. godine

Božanić

Ministarstvo civilnih poslova Bosne i Hercegovine
Trg Bosne i Hercegovine 1
71000 Sarajevo


PREDMET: Poslaničko pitanje - *informacija, dostavlja se*
Veza Vaš akt broj: 09-07-5-1024-AD/14 od 13.05.2014. godine

U vezi s pitanjima poslanice Nermine Zaimović-Uzunović, postavljenim na 65. sjednici Predstavničkog doma Parlamentarne skupštine Bosne i Hercegovine, a koja se odnose na učešće studenata u programima mobilnosti, u prilogu dostavljamo dopis Univerziteta u Zenici, jedine visokoškolske ustanove na području Zeničko-dobojskog kantona u nadležnosti Ministarstva za obrazovanje, nauku, kulturu i sport.

S poštovanjem.

Prilog – kao u tekstu

Dostavljeno:
1 x Naslovu,
2 x a/a





BOSNA I HERCEGOVINA
FEDERACIJA BOSNE I HERCEGOVINA
UNIVERZITET U ZENICI
UNIVERSITY OF ZENICA

Adresa: Fakultetska br.3, 72000 Zenica, BiH
Tel. centrala: ++ 387 32 444 420; 444 421
Rektor: ++ 387 32 444 430
Fax: ++ 387 32 444-431, E-mail: rektor@unze.ba
www: http://www.unze.ba
Transakcijski račun: 1340100000001672 kod IKB d.d.
Zenica

Zeničko-dobojski kanton
Ministarstvo za obrazovanje, nauku, kulturu i
sport

Vaš znak:	
Naš znak:	01-100-020-1728/14
Zenica:	02.06.2014. godine

Predmet: Informacija, dostavlja se

Poštovani,

Shodno Vašem aktu br. 10-38-10423-1/14 od 20.05.2014. godine, kojim se traži informacija o učešću studenata u programima mobilnosti ovim putem Vas obavještavamo o sljedećem:

Studentima Univerziteta u Zenici otvorena je mogućnost za razmjenu kroz programe Erasmus, CEEPUS, Mevlana kao i na osnovu bilateralnih protokola koje je Univerzitet u Zenici potpisao sa univerzitetima iz Evrope i svijeta. Nažalost, odziv studenta u prethodnim godinama je bio veoma mali, te je kao i na drugim BiH univerzitetima većina mjesta omogućena za studente iz cijele BiH uglavnom ostala neiskorištena. Sve informacije o dostupnim programima mobilnosti za nastavu osoblje i studente se nalaze na web stranici Univerziteta u Zenici (www.unze.ba) u rubrici Aktuelnosti i iste se u pravilu u roku od 24h postavljaju na web od momenta prispjeća od nosioca programa (strana amabasada, strani univerzitet, neko od BH ministarstava i dr.)

U akademskoj 2013/14. četiri studenta Univerziteta u Zenici su učestvovala u Mevlana programu razmjeđe studenta i 5 predstavnika akademskog osoblja. 2 studentice su boravile 1 semestar na Univerzitetu Ondokuz Mayis u Turskoj, 1 studentica je boravila 1 semestar na Trakya Univerzitetu, Turska i 1 studentica 2 semestra na Trakya Univerzitetu, Turska.

U akademskoj 2013/14. jedan student EF UNZE boravi na Univerzitetu u Arhusu gdje radi svoj magistarski rad a kroz program Erasmus-Mundus.

Kroz programe saradnje sa njemačkom Vladinom Agencijom DAAD u prosjeku se svake druge godine organizuju studijske posjete njemačkim univerzitetima i poslovnim sistemima i u ovkim posjetama učestvuje cca po 20 studenata sa UNZE. Posljednja posjeda je organizovana na kraju ljetnjeg semestra 2013.godine. Također, u program DAAD su u ponudi brojne stipendije za II i III ciklus studija u Njemačkoj i trenutno jedan student sa ZF UNZE radi svoje doktorsko eksperimentalno istraživanje na Univerzitetu u Heidelbergu.

Jedan kandidat ZF UNZE svoje doktorsko istraživanje realizuje na Univerzitetu u Alicanteu u Španiji a troškove izrade i pohađanja istog pokriva iz tekućih projekata na kojima radi.

Kroz Tempus projekt iz oblasti obnovljivih izvora energije koji vodi Univerzitet Hohenheim iz Stutgarta ove 2014. godine pet studenata UNZE master i doktorskog studija će boraviti po mjesec dana na univerzitetima u Beču, Stuttgartu, Bratislavi ili Sofiji.

U trenutno aktivnim Tempus projektima UNZE takođe postoje planirani borači nastavnog osoblja i studenata na inostranim univerzitetima.

Tokom 2014. godine očekuje se nagovješteno otvaranje stipendija za studijske boravke i mobilnost studenata u Švedskoj a po programu koji će finansirati Vlade Kraljevine Švedske.

Na kraju ovog dopisa naglašavamo da budžetskim planiranjem rashoda Vlade i Skupštine ZDK Univerzitet u Zenici nema niti jednu KM za podršku mobilnosti studentima te se sve dosadašnje mobilnost odvijaju na bazi samopregotvnog rada i napora nastavnika, saradnika i studenata UNZE.

S poštovanjem,

Dostavljen:

1x Naslov
1x a/a



Bosna i Hercegovina
Federacija Bosne i Hercegovine
KANTON SARAJEVO
**Ministarstvo za obrazovanje, nauku
i mlade**



Bosnia and Herzegovina
Federation of Bosnia and Herzegovina
CANTON SARAJEVO
**Ministry for Education, Science and
Youth**

Broj: 11-05-38-16987-2/14
Sarajevo, 09.06.2014. godine

BOSNA I HERCEGOVINA
Ministarstvo civilnih poslova
Sarajevo, Trg Bosne i Hercegovine 1



PREDMET: Informacija po poslaničkom pitanju, *dostavlja se*

Veza: Vaš akt, broj: 09-07-5-1024-AD/14 od 13.05.2014. godine

U odnosu na vaš akt gornji broj kojim ste Ministarstvu za obrazovanje, nauku i mlade Kantona Sarajevo dostavili poslaničko pitanje Nermine Zaimović poslanice u Predstavničkom domu Parlamentarne skupštine Bosne i Hercegovine, obavještavamo vas da ovo ministarstvo provodi postupak na prikupljanju traženih informacija, a koje ćemo vam proslijediti po okončanju tog postupka.

S poštovanjem,



Dostaviti:

- Naslovu,
- a/a.



web: <http://www.mon.ks.gov.ba>
e-mail: mon@mon.ks.gov.ba;

Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
HERCEGOVACKO - NERETVANSKA
ŽUPANIJA - KANTON
MINISTARSTVO PROSVJETE, ZNANOSTI
KULTURE I ŠPORTA



Bosna i Hercegovina
Federacija Bosne i Hercegovine
HERCEGOVACKO - NERETVANSKI
BOSNA I HERCEGOVINA
MINISTARSTVO PROSVJETE, ZNANOSTI
KULTURE I ŠPORTA
SARAJEVO

Mostar, S. Radića 3/III, tel.: +387 (0)36 334-400; fax: +387 (0)36 334-400

Broj: 05-03-40-935-2/14

Mostar, 30.05.2014.

PRIMJENJENO			
Organizaciona jedinica	Klasifikaciona oznaka	R. red. broj	Broj ploca
09 - 07 - 5 - 1024		4	

Ministarstvo civilnih poslova
Bosne i Hercegovine

Predmet: **Informacija o broju studenata javnih i privatnih visokoškolskih ustanova koji su sudjelovali u programu mobilnosti i razmjene studenata, dostavlja se**

Poštovani,

Vašim dopisom broj: 09-07-5-1024-AD/14 od 13.05.2014. godine zatražili ste od nas informaciju o broju studenata javnih i privatnih visokoškolskih ustanova koji su mogli učestvovati i koliko njih je učestvovalo u programu mobilnosti i razmjene s drugim zemljama.

Nakon prikupljenih podataka možemo Vas obavijestiti da je u programima mobilnosti studenata učestvovalo:

- na Sveučilištu u Mostaru, prema raspoloživim podacima *Ureda za međunarodnu suradnju*, do sada je učestvovalo: 42 studenta preddiplomskog studija, 5 studenata diplomskog studija; 2 studenta doktorskih studija i 11 uposlenih osoba.
- na Univerzitetu „Džemal Bijedić“ u Mostaru od ukupno 21 studenta koji su aplicirali 19 aplikacija je prihvaćeno, dok je 6 studenata realizovalo stipendiju za mobilnost. Prema podacima *Kancelarije za međunarodnu saradnju* u periodu od 2008 do sada broj osoba koje su učestvovali u bilo kojoj vrsti mobilnost je 875 od kojih je 560 studenata i 325 nastavnika.
- nijedan student privatnih visokoškolskih ustanova nije učestvovao u programu mobilnosti i razmjene.

S poštovanjem,

MINISTAR

Zlatko Hadžiomerović

Dostaviti:

- naslovu i
- a/a.



A10#

Bosna i Hercegovina
BRČKO DISTRIKT
 Bosne i Hercegovine
VLADA BRČKO DISTRINKTA
 Odjeljenje - Odjel za obrazovanje



Bulevar Mira 1, 76100 Brčko Distrinkt BiH
 Telefon: 019 214 503. Faks: 019 214 503.

www.bdcentral.net
 obrazovanje@bdcentral.net

Broj predmeta: 37-000686/14
 Broj akta: 0720GB-003/14
 Datum, 9.6.2014. godine
 Mjesto, Brčko

МИНИСТАРСТВО ЦИВИЛНИХ ПОСЛОВА БИХ
 Трг БиХ 1
 Сарајево

Босна и Херцеговина
БРЧКО ДИСТРИКТ
 Босне и Херцеговине
ВЛАДА БРЧКО ДИСТРИКТА
 Одјељење - Одјел за образовање

Булевар Мира 1, 76100 Брчко Дистрикт БиХ
 Телефон: 019 214 503. Факс: 019 214 503.



ПРЕДМЕТ: Посланичко питање

Веза: Ваџ акт број: 09-07-5-1024-1-A/1/14 од 13. 5. 2014.

Поштовани,

Одјељење за образовање Владе Brčko дистрикта BiH не располаже подацима које је тражила посланица Представничког дома Парламентарне скупштине BiH Нермина Заимовић Узуновић у свом питању на 65. сједници.

С поштовањем,

Л/ш. Одјељење за образовање

Момчило Попић

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
MINISTARSTVO OBRAZOVANJA,
NAUKE, KULTURE I SPORTA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
MINISTRY OF EDUCATION
SCIENCE, CULTURE AND SPORT

Broj: 10-49-4918- /14

Datum: 09.06. 2014. godine

Ministarstvo civilnih poslova Bosne i Hercegovine
Trg Bosne i Hercegovine 1
71 000 Sarajevo

PREDMET: Odgovor na poslaničko pitanje, dostavlja se -

Veza: vaš dopis broj 09-07-1024-AD/14 od 13.05. 2014. godine i dopis broj 09-07-5-1024-1-AD/14 od 02.06. 2014. godine

Poštovani/a,

Temeljem dopisa Rektora Univerziteta u Bihaću, broj 02-3879/2014 od 03.06. 2014. godine, dostavljamo vam informacije sukladno postavljenim zastupničkim pitanjima zastupnice Nermine Zaimović-Uzunović u Zastupničkom domu Parlamentarne skupštine Bosne i Hercegovine, a koja se odnose na programe i/ili projekte mobilnosti i razmjene s drugim državama u kojima studenti Univerziteta u Bihaću imaju mogućnost da učestvuju, te informacije o broju studenata koji su do sada učestvovali u programima i/ili projektima razmjene s drugim državama, kako slijedi:

1. Među trenutačno aktivnim programima u kojima studenti Univerziteta u Bihaću imaju priliku učestvovati su Centralnocrupski program razmjene za sveučilišne studije (CEEPUS) pri kojem Univerzitet u Bihaću ostvaruje jednu aktivnu mrežu – Slavenska filologija i njeni kulturni konteksti, a čiju koordinaciju vrši Sveučilište u Grazu. Shodno Ugovoru o realizaciji sporazuma CEEPUS III u Bosni i Hercegovini, studenti imaju i pravo učešća u razmjeni kao tzv. „free movers“, odnosno razmjeni koja nije u svezi s mrežama sveučilišta i fakulteta. Program razmjene je i Mevlana Exchange Program koji ima za cilj razmjenu studenata i akademskog osoblja između obrazovnih institucija iz Republike Turske i drugih država. Razmjena studenata je moguća i putem Erasmus Mundus programa razmjene, kao i putem pojedinačnih projekata fakulteta.
2. U periodu 2012–2014. godine, s Tehničkog fakulteta Univerziteta u Bihaću učestvovala su ukupno 23 studenta u međunarodnom projektu Sprungbrett koji finansira fondacija Mercator Schweiz. Sukladno podacima organizacijskih jedinica i pridruženih članica Univerziteta u Bihaću, studenti do sada nisu učestvovali u akademskim razmjenama u organizaciji Univerziteta, no uočen je veći interes studenata za učešće u akademskoj razmjeni od 2013–2014. godine.

S poštovanjem,

MS

Dostaviti:

1. Naslovu
2. a/a

MINISTAR

Dario Jurić, prof.



Broj: 05-50-1-1219/14
Sarajevo, 10.6.2014. godine

PARLAMENTARNA SKUPŠTINA BiH

- Zastupnički dom -

SARAJEVO

BOŠNJA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	10.05.2014		
Organizaciona jedinica:	Klasifikaciona jedinica:	Redni broj:	Broj priloga:
01-50-1-15-65714			

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 100. sjednici održanoj 10.6.2014. godine, utvrdilo je Odgovor na zastupnička pitanja koja je postavilo Nermina Zaimović Uzunović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,





**BOSNA I HERCEGOVINA
VIJEĆE MINISTARA**

Broj: 05-07-1-1219/14
Sarajevo, 10.6.2014. godine

Nermina Zaimović – Uzunović, poslanica u Predstavničkom domu Parlamentarne Skupštine Bosne i Hercegovine, na 65. sjednici Predstavničkog doma održanoj 15. travnja 2014. godine, postavila je sljedeća poslanička pitanja:

„1. Tražim od Ministarstva pravde BiH da ispita mogućnost i dostavi mi odgovor na pitanje i prijedlog o tome koji postupak i kod kog nivoa vlasti u BiH treba pokrenuti da se uspostavi registar, odnosno baza podataka za osobe koje su izvršile krivična djela nasilja u obitelji i nasilja nad spolnom slobodom i moralom?

2. Koji je postupak da podaci o osobama koji su izvršili ova krivična djela budu dostupni javnosti?“

Na postavljeno pitanje, Vijeće ministara Bosne i Hercegovine je na 100. sjednici, održanoj dana 10. 6. 2014. godine, utvrdilo sljedeći

O D G O V O R

Kazneno zakonodavstvo Bosne i Hercegovine, Republike Srpske, Federacije BiH i Brčko Distrikta inkriminira nasilje u obitelji, djela protiv spolne slobode i morala, te niz drugih djela nasilja, koja su u većini slučajeva, definirana na rodno neutralan način u smislu potencijalnih oštećenih, osim onih djela koja se po svojoj prirodi mogu odnositi samo na žene kao oštećene, ali daju osnovu i za procesuiranje počinitelja i zaštitu oštećenih u smislu nasilja na osnovu spola.

Obiteljski zakon Federacije BiH i Obiteljski zakon Republike Srpske zabranjuju nasilje u obitelji, a entitetski Zakoni o zaštiti od nasilja u obitelji definiraju mјere i mehanizme zaštite u slučajevima nasilja u obitelji.

U Bosni i Hercegovini se pruža niz specijaliziranih usluga podrške žrtvama nasilja, koje su uspostavljene radi pružanja pomoći i podrške žrtvama nasilja kroz implementaciju gore navedenih zakona.

U okviru Visokog sudbenog i tužiteljskog vijeća Bosne i Hercegovine, točnije Sekretarijata VSTV BiH oformljen je Centar za sudsку dokumentaciju u okviru koga je uspostavljena baza sudske prakse, a korisnicima pruža uvid u sve odluke donesene u jednom predmetu, od odluke donesene u prvostupanjskom postupku do odluke donesene u postupku po vanrednom pravnom lijeku, odnosno postupku pred Ustavnim sudom Bosne i Hercegovine. Kako bi se što lakše mogla

dobiti informacija koja se traži baza je interaktivna i omogućava pretragu po različitim kriterijima te je dostupna isključivo sucima i tužiteljima kojima je Centar za sudsku dokumentaciju dodijelio korisničko ime i lozinku.

Također, Pravilnikom Visokog sudskeg i tužiteljskog vijeća Bosne i Hercegovine o sustavu automatskog upravljanja predmetima u sudovima uspostavljen je zvanični elektronski informativni sistem pravosuđa Bosna i Hercegovine (CMS), koji ima za svrhu, između ostalog, i praćenje statističkih podataka i izvještavanje, kako na nivou pojedinačnih sudova, kantona/okruga, entiteta, te na nivou cijele države. CMS trajno registrira u zajedničkoj bazi podatke o svim predmetima od faze njihovog iniciranja do arhiviranja, i to za sve pravosudne institucije pri VSTV BiH. Navedeni podaci su dostupni licima koja postupaju u određenom predmetu, ali i u formi statističkih izvještaja predsjednicima sudova i VSTV BiH. Ovim Pravilnikom točno je propisan način pristupanja podacima.

Iz navedenog slijedi da već postoje baze podataka o sudskim odlukama, između ostalog i o odlukama u kaznenim predmetima koji se odnose na nasilje u obitelji, te protiv spolne slobode i morala, ali pristup istim jasno je propisan i omogućen samo određenim licima.

Javno objavljivanje podataka o osobama koje su izvršile povredu zakona, pogotovo o osobnim podacima koji otkrivaju kaznene presude, *kao posebne kategorije podataka*, potrebno je uskladiti sa Zakonom o zaštiti osobnih podataka („Službeni glasnik BiH“, br. 49/06, 76/11 i 89/11), čiji je cilj da se na teritoriji Bosne i Hercegovine svim osobama, bez obzira na njihovo državljanstvo ili prebivalište, osigura zaštita ljudskih prava i osnovnih sloboda, a naročito pravo na privatnost i zaštitu podataka u pogledu obrade osobnih podataka koji se na njih odnose.

Spomenutim zakonom obrada posebnih kategorija osobnih podataka je zabranjena, osim izuzetno i pod određenim uvjetima (*ako je nosilac podataka izričito dao suglasnost; ako je obrada neophodna za zaštitu života, zdravlja, imovine i drugih vitalnih interesa nosioca podataka ili ... se radi o fizički, mentalno ili pravno nesposobnom licu, ili ako se lice smatra nestalim, ili zbog drugih sličnih razloga; ako se obrada podataka vrši za potrebe preventivne medicine, medicinske dijagnostike, ...*). U ovim slučajevima zakon mora sadržavati konkretnе odredbe o adekvatnim mehanizmima zaštite.